



830242

潭西草續四

寧州劉大神

五月朔九日得家書

豈有既衰後尚離慈母闈徒貪新紫綬竟忘舊斑
衣馬上傳消息行間隱瘦肥鄉園參朮貴口自寄
當歸

有盜

有盜弄兵近七載 天子恩深直似海縱之不
可撫之難乃斬刈之不復悔是時大將推老臣軍
中苦樂如一身麾下偏裨盡罷虎功成計日圖麒麟

潭西草續四

麟王戊二月巳酉日聞道我師又失律竟為盜薄

嶮巖間喪厥五十四將帥山東壯士王懋賞與胥

泗起 二子之死當特書王也赤心醢於賊胥亦肝

膽為賊屠輕敵縱然不解事報國捐軀固吾志草

間竄伏生還人殺爾祇應與犬飢九重輟視三日

朝蔭生恤死恩榮遙好向疆場作厲鬼忠寬何怨

休相招

輓胥參將 泗起歷城人

將軍義不死牖下破產千金買駿馬身經百戰無
完膚血色殷紅上韉袴我 朝 天子直聰明

外夷重譯朝玉京蜀楚烝民咫尺地誰其脅誘勞
南征將軍震怒目眦裂自出凶門志已決目旗耳
鼓聽指揮功狗功人有成說虛孤旺相誰曾知爭
關奪隘由人爲霧渡河邊命如艸飛烟縱火殲王
師敢惜孤身奮力戰頭中礮石身中箭小臣一死
眞無能不怨大軍不救援平生士卒甘苦同長期
一體成竒功輿屍難將馬革裹百人負出重圍中
是時天地色慘澹千里陰雲白日暗盡道將軍直
如歸爲國捐軀復何憾昨聞返骨迎仙橋白旄丹
旗爭相招我向生前識半面喜君不共金石消更
聞疆場多男子五十四人同日死惜哉未盡知姓
名止記福山一國士

輓王總兵

懋賞福山人

嗚呼賊勢何猖狂妖雲掩日天蒼茫時出奇兵善
制勝軍前殺畧難相當山東猛士有王郎氣如虓
虎驅羸羊宜有英風落賊膽何期遇伏身先亾將
軍年少魁多士軍中喜見晉龍驤凱歌未奏挽歌
起白虹萬丈經天長人生誰能無一死死勤王事
庸何傷縱使此身寸寸磔屍骸未得歸枌鄉赤血
磷磷膏野土化碧不待三年藏黑月忠魂自起舞

一身獨率千國殤大將全師返故壘我軍士氣還
自揚祇惜有言不中聽栢人悞入殊荒唐陰司望
鄉地何惡按兵不動謀則滅誰鸞羽箭殞天狼國
家自此多福昌歸然血食祠荆襄千秋姓氏猶餘
芳續作此歌上國史願附驥尾名有光

題壁

與世易齟齬愴然每憶初鏡中誰白髮釜底此頰
魚自厲牀頭劍人求醉後書離家又三載風雨復
何如

贈宋步武學博

潭西草續四

三

質屋成鄰舍經過述昔遊鬚眉相訝改興會故逾
邁促膝如無地悲歌不爲秋湖邊藕花發風雨好
同舟

題宋步武近詩稿

新詩如夜月一見一陶然此客主張賈是時兼佛
仙拜官能處後得句直爭先何地乘軒者望門尚
欲前

夏

不聞林下客久向此閒居晚臥愁逢蠍朝遊倦倚
驢松風如辟扇梅雨似仇書差喜當軒石猶疑鳳

蕭初

傳聞漢渡先生已旋新城

不耐別離恨逢人先問君忽傳歸故里急欲讀高
文黃鵠飛無定青鸞止不羣疑隨采芝侶遠上北
山雲

雨後露坐

雨霽卽佳夕中庭焚古香葛衫垂月白羽扇受風
涼不到聽泉處同憐坐石旁翻思前數日晷影午
何長

送仵表赴曹南

潭西草續四

四

聚首爭論易離羣別恨多行轅不相挽進酒更悲
歌前路有佳勝重遊無坎坷計程秋未立已及賦
黃河

答楊碧泉侍御

故人今日有書來勸我休矜作賦才我有閑愁千
萬斛登高只爲古人哀

促孫瀛暉畫扇

冷官竟與熱官同消遣馬蹄長日中遇着炎威無
避處扇頭急與寫秋風

苦熱

夜長難穩臥酷熱更相尋百遍翻藤枕中宵矢布
衾神昏如病久夢短似愁深欲待好風至杳於空
谷音

自嘲

我豈能書世亦求殘縑敗素滿高樓張芝老去原
無聖米芾豪時只慣偷未住綠天曾種紙欲濡白
髮不盈頭炎炎長日真堪笑墨汁淋漓和汗流

讀隨園詩話

天下才終屬此君兒童學語太紛紛強如盜賊還
能愛遠到蠻夷亦早聞但使風流餘自首不妨弟

潭西草續四

五

子半紅裙夢中未識隨園路望斷倉山五朶雲

題遊仙圖

仙人一誤下丹邱磐石棋枰尚未收鶴自閑飛龍
自睡嗒嗒犬吠海東頭

讀史

因病翻前史終篇恨轉深直將千古事併入一時
心天自留奸黨人空惜士林山中且行藥曠覽莫

沈吟

仁表携家選家賢兄弟入龍洞

禹穴藏書人不知闌風伏雨壯遊時濟南此是佳

山水辨罷登臨只論詩

示家選

山林清峭畫初成百鳥朝喧猿夜鳴此處移情知
更好不須東海問先生

示家賢

黃鸝坐嚙綠槐枝扶杖門前送汝時若使有人知
鳥語料應不是挽行詩

題畫白牡丹

牡丹號花王濃豔固無比何爲入畫今見之有如
白月臨秋水豈是曠代之逸才不著一字得妙理

潭西草續四

六

固知千古爭寵人變態無端不可儼君不見魏國
夫人顏色多淡掃娥眉入宮裏

求孫瀛暉作秋林讀書圖

讀書苦不早旣老重遠遊南中有茅屋棄置西山
幽閒雲旦暮在野水東南流蕭蕭木葉落鴻雁鳴
芳洲空藏古遺帙吁嗟人白頭一讀阮公卷興會
先商邱文郎善設色筆力矜冥搜昔賢性所嗜微
物皆長留後生履前跡豈復貽世羞况君備六法
未老神已遁圖成懸傳舍四壁紅葉秋雖未到故
里舊廬終歸休相思日展玩何但瓊玖投

記得山中好十首

記得山中好常如八月秋嵐光沈小閣樹影動高樓
夜氣涼侵簟朝烟薄試裘如何不歸去濯足問清流

記得山中好門無俗客來歌風聲在戶吸月酒盈杯
鄰叟持竿去山妻抱甕回時時有童稚爲報好花開

記得山中好藏書及一車中多疏草木半是賦州霞
綠字文難曉丹經註或差不聞豪猾吏案牘敢橫斜

潭西草續四

七

記得山中好花開無四時但嫌風信悞不惜冶遊
遲二月新桃葉千山老桂枝遠鄉披月令錯註幾人詩

記得山中好名泉固自竒虎邱難與並鴻漸究何
知處處珠如貫村村玉一池更餘清興在賜浴笑當時

記得山中好園蔬供晚餐瓜如羊腩爛茄似豹胎
團母愛萑菘足孫知藜藿安何曾守錢虜下筋只愁難

記得山中好起居能自由穩眠高日上倦坐白雲

流飛鳥常辭足峩冠不壓頭還多傲人處冬夏一
羊裘

記得山中好難通駟馬車春秋祇曳杖出入偶騎
驢佳客遠求畫舊家多借書無風無雨日亦可狎
樵漁

記得山中好無人自默然醉中間說鬼夢後或譚
天倚樹聞幽鳥因風聽細泉有時逢老衲文字亦
參禪

記得山中好四鄰無訟凶小牕喧送杵古寺靜聞
鐘犬卧初生月鴉棲舊種松前山如赴約艸履上

潭西草續四

雲峯

立秋前一日

簾影欲銷暑蟬聲先送秋亦緣風故善自覺日忘
憂檢蠹半仙去囊螢并火流夢魂今夜穩臥月到
梁州

牕外雞聲動呼奴試土燈夜來新得句書罷欲投
僧此室今無暑余懷舊抱冰趨爰人在否借問可
還能

南中田家詞

田家樂事足生當盛明世朝驅健犢出日暮早歸

耨耕種不知畝但以人工計泉從山上落有餘復
東逝社期集鄉鄰迎龍虔致祭秋收粒如玉百年
供正稅飽煖君王恩壺餐里黨惠不幸蠲緩令不
憂旱蝗歲

濮州道中阻雨

終宵氣沸鬱迫曉得嘉澍農夫正望雨何敢怨行
路卑官不可說奔走笑遲暮雞犬空山中共惜此
來悞

鳳石歌

是石不可煑爲糧是鳳不可策爲騎廿年僦屋恒

潭西草續四

九

於斯舉世誰人識此意人言李平泉一石不與母
乃慳又言宋米芾見石下拜何其顛我生後二子
視同逆旅心悠然爭席聽舍者種竹遜曩賢況此
嵯峨數尺石安能卷之如一拳喜爾嘉名克肖爾
中庭羽毛看新鮮繪繳險微何足慮不儀不鳴千
萬年焉知爾來非丹穴曾巢古昔阿閣前一朝化
此辭雕鏤其心則虛其體堅忘飢相對如雲烟願
圖爾形抗五岳上元巾卷見瑩確願煉爾質補青
天青天遙遙匪一握

和譚春園大令讀漁洋帖

傍水分林蒲一園此君名子亦名孫
睡餘臨罷漁
洋帖始解人間有竹墩

笑指鄰家羨竹根參餘玉版自稱尊
從今莫更論
千畝但問宵中有幾墩

聞鶯

八月清秋咽暮蟬黃鶯猶嘯夕陽天
關心何事情
如許傾耳相聽醉不眠豈是哀鳴思
舊樹自將巧
語媚新烟憐他反舌知時節早已無
聲到酒邊

中秋夜汎舟遊大明湖飲滄浪亭

中秋不相負一舫復來過湖濶消烟
淨亭空受月

潭西草續四

十

多悲歡餘白首聚散付清歌尚欲期
明夜鏡光常
盪磨

湖上歸中庭對月

大地皆秋月光輝慰寂寥有情同往
歲無恨是今
宵樹影石邊靜雁聲湖畔遙坐愁更
漏短不惜到
明朝

不覺思鄉恨偏生對月時清光原未
減遠道獨餘
悲蟋蟀關心切笙簧入耳遲可能高
枕臥一夢到
茅茨

梅嶼畫蘭石爲何懋齋賦

我不識蘭石如何畫亦不識畫者何如人細從私
印辨名字宏農十郎能貌真畫蘭吹香風畫石起
寒稜卽添竹葉與芝莖亦是飛空絕蹊逕君從何
處求得之視同圭璧常護持聞道君家巖谷裏崇
蘭花發無四時不識曾滋九畹否王孫幾載歎別
離爲君作詩送君去孔琴屈賦心自知

賦大明湖

萬柄殘荷未卷霜鵲華橋外半垂楊魚迴淺渚水
花落鳥下空亭秋艸長不待相招此明月正堪共
飲是滄浪盡芟蘆葦添秋雨好向船頭漉酒漿

潭西草續四

十一

八月十六夜對月

昨夜中秋月幾望萬里有人坐相向清光今已到
十分誰是無情臥枕上天愛明月甚於人半點浮
雲不使障晴烟裊裊星辰稀不見銀灣起白浪昔
日我方年少時中庭瓜果歡相持但覺明月有私
照不知人世多別離一年一度中秋節怕向華堂
照白髮人壽幾何滄桑多更千萬年此明月宵分
不飲亦不歌長空穆穆舒金波不爲愁人少留住
明月明月奈爾何

不同譚春園裴芳山紀曉泉鵲華橋上望月

清秋風月太無聊北海南豐迹已遙明日公庭齊
束帶不衫不履憶今宵

自橋上歸

轡轡重霄霧盡開秋砧聽罷雁聲哀遍身明月涼
如水人自鵲華橋上來

求紀曉泉作畫

昨夜清尊共一舟今朝讀畫侶重游請君更寫橋
頭月雁影蛩聲到酒樓

重上鵲華橋望月同宋步武紀曉泉

夜夜相呼待明月明月先人到城闕鵲華橋上清

潭西草續四

十一

光多願出東方不西沒眼前湖水祇半城憑闌如
向秋江行回首前宵縱飲處滄浪亭北蒼烟橫固
知風月本無價自幸多情乃相假同是不名一錢
人得來只費好詩謝但恐陳迹難重尋匆匆別後
秋色深他夕有人過此處橋頭一片相思心

自張秋鎮歸

無地容軒睡蒼黃又出門秋風生馬耳明月上車
軒燈火遙林暗雞聲近舍繁漸升滄海日依舊負
朝暄

題墨琴子墓門草

吟成風樹墓門時一卷初開淚已垂自是此身孤
易感蓼莪廢後廢君詩

見菊花

官閣今纔見菊花如澆美酒不嫌賒添黃葉樹便
爲畫有白雲村卽是家隔院終懷清淺水近籬長
憶渺茫霞衰年薄宦無風味醉向寒牕臥月華

邀譚春園趙重開菊花下飲酒

堂前鼓吏莫頻搥今日開尊懶放衙令不能仙空
白首客原甚淡似黃花蕭蕭荒逕宜疎雨寂寂虛
齋對晚霞却吠重陽心緒薄秋風獨自聽啼鴉

潭西草續四

十三

題菊文唱和詩卷

幾度籬邊向晚殘新詩一卷耐人看長將秋色留
三逕笑問春花墮曲欄如飲醇醪終自醉但盟噉
日恐應寒怪他翻覆成雲雨握手心肝出不難

對菊

鄉心一萬里落葉下高樓獨對黃花酒新添白髮
愁寄書全不到解組苦相留誰與家園問未荒三
逕不

對菊

昨夜空庭月上時墻邊照見影離離朝來攬鏡西

牕下瘦似黃花人不知

吟白菊

不慣情深得句遲難將白玉刻花枝聽殘過雁人
無語涼月秋風欲曙時

看菊影

避人中夜熟蘭膏視菊猶存傲爾曹秋氣森森來
戶牖霜威凜凜上衣條但能望影神先靜如並無
花品更高畫史聰明知有幾不嫌寂寞吮宣毫

邑人以十月廿四日爲壽愧而謝之

介壽何爲者黃花酒味同誰能是生佛祇此卽幽

潭西草續四

十四

風共說陽春小相期儉歲豐行年今未老已得早

稱翁

久不飲酒作詩

禁酒詩同禁此心何太愚酒邊愁不覺詩外恨都
無若恐妨公事知誰讓老夫今朝試開甕一醉且
歌呼

贈萬春田

七尺須眉士昂藏迥出羣足稱循吏子定著大家
文篋有畫投我囊無金贈君斷髭成五字風色起
寒雲

久不得家書長吟三首邀趙理美同作

遊子離慈母愁懷及歲餘深山曾不出樂事定何
如城北寒梅樹潭西舊草廬吾孫扶短杖花下繞
筍輿

故鄉人不至何得有書來薄宦兩三載離腸千萬
迴青山愁外遠白髮夢中催深悔多知已彈冠出
草萊

君亦去家久定能知我心豈真求富貴不復憶山
林瘦有峻嶒骨貧無曖昧金陶冠如可挂往聽伯
牙琴

潭西草續四

五

歲暮新城諸故人歸將盡矣愴然有作卽以

贈別

諸君皆有母此去樂融融孝婦河邊艸魯連陂上
風來非千里別歸是一心同南極雲深處低徊只
夢中

日日

日日賦歸去竟從何日歸逢人遠行路顧予舊征
衣醉後或能忘夢中偏恐稀不知誰致此倚檻視

斜暉

迴思前夜夢似我少年時擊豕上先塚聽鶉過去

祠艸衣堪自著鞍馬不須騎坦坦城邊路翻餘覺
後疑

憶籜冠

昔年歸自蒙樂時籜冠蓬累行遲遲縣郭山村駐
馬處兒童笑逐紛相馳人世峩峩見已慣乍著翻
令衆目眩我自稱意如小冠尚質殊無聚鵲患爾
時况復秋霖多荒山馬上愁滂沱若使行人盡得
此不待衣瓦羣嘯歌幾載收藏破屋底頰首塵埃
拾青紫誰人皂帽遼東歸倘見管寧自恨死

細雨

潭西草續四

七

細雨庭階濕開門亦已歡如能成大雪豈惜益輕
寒樞馬毛爲縮林禽羽尚乾家鄉當此際飛瀑落
檐端

雪和莊笠巷

自賦之罽雪於今始盡歡宜傾重釀醉任徹徹裘
寒埋逕不輕埽濡毫休訝乾只愁高士屋烟火冷
林端

續賦雪

物類幾千萬少能如爾清人將忌孤潔功又被蒼
生想到空山裏始無羣吠聲所期知白者守黑不

營營

絕句

今朝雨雪滿官衙卽是深山處士家我自吟詩忙
不住無人曾與種梅花

次日再賦七律一章

不避清寒駕兩驂荒村快接老農譚尚嫌大雪殊
盈尺若爲豐年欲益三有鶴凌烟神自玉無姬煮
茗味同甘如何故里如天遠驢背梅花未易探

夜吟

漸與春風近翻嫌雪夜寒誰能不將母民只是留

潭西草續四

七

官縮地仙無術歸家病亦歡公卿稱下士汲引到
劉寬

致身明聖代尺寸竟無功官與飢寒近人將走卒
同若非能去日盡在可羞中通藉多年少私心議
老翁

閒吟

閒吟若不歡寄與貴人難好句他生惜孤燈此夜

寒四鄰僧少問蒲壁畫頻看曉起持冰雪清風激
腑肝

圍爐

大道無車轍高軒不相顧盎然斗室中自得圍爐
趣忽思勇退者且爲半芋悞楮須頻添荒城日
色暮

松

才吟雪柱與冰車又見霜淞虛映紗遠客不知愁
甲樹笑看處處是梅花

封印後戲作

潭西草續四

六

笑晚銅方寸朱封兩道斜倦惟看暮雪醉不放朝
衙老屋馴飛鴿寒巢穩睡鴉及春無一事鎖鑰繡
生花

歲莫

歲莫遠遊子衰年強自歡慈闈當此際愁思更無
端祀竈婦聽鏡宜春兒易冠早知歌者苦門外北
風寒

寄山中諸故人

此別又三載一生還幾回出門如昨日入夢有餘
哀臙鼓誰同聽春花自早開南人時得見不見寄

書來

送韋映輝歸

君又賦歸去此間只四人垂簾半虛館懸榻易生塵有恨同辭歲何心獨頌春上元燈火夜速與返車輪

寄耿希尹

如君方賀歲寧暇卽相思不奈多愁者偏當屬句時樹雪懷李白山水憶鍾期此意同千古悠悠世豈知

憶江曉

潭西草續四

五

金多是官帑千里去携還沾酒東萊國停鞭大澤山雖非風雅士亦到畫圖間知汝凌冰雪歸來有笑顏

鹿雪樵至

到此路遙遙前山雪未消出門幾人送守歲若相要焚尾酒三爵整牙詩一瓢清貧同不厭肯去逐金貂

次日再東雪樵

破屋相留處爐中火氣溫雖然在官舍只似住山村殘雪明於晝寒雲擁到門深宵知不寐得句吐

還吞

曉坐

四野有歡聲晨風送入城官貧同此樂家遠獨多情
歲逐桃符換春隨柏酒生昨宵聽爆竹伏枕數
寒更

縣齋前積雪爲山數尺耳旣嘗賦詩其間雪

樵見而和之續成一首

峨嵋天半雪可以儼詩人若寄矮簷下應遭名士
嗔如何當月夕偏覺出風塵信是清心共吟成自
有神

潭西草續四

三

和雪樵嘲理羹之作

窮愁無著處詩酒得相親誰信酣歌夜偏逢澹蕩
人擊壺空自缺藏穢任生塵默默垂簾坐多應養
谷神

和雪樵懷子文希尹之作

詩人後千載望古尚餘悲况與同時者何能不見
之秋風對牀處殘雪獨吟時一片城頭月驚鶩繞
樹枝

和雪樵聞笛

誰家夜吹笛聲入遠人心月墮疎鐘斷城寒積雪

深青山千里隔白髮一宵侵
似悲秋日搗衣聽暮砧

和雪樵聞爆竹

似有雄雷挾雨行山魃不敢入
荒城除朝穩作還鄉夢去聽家園爆竹聲

早韭

荒園草木未知春轉綠迴黃韭葉新
剪處無妨留雪印市來正好膾霜鱗
鸞刀縷切長宜寸藿白紛紛
採細受辛更益晚菘同一飽人生不厭是清貧

鐵人至

潭西草續四

五

遠來偕守歲瘦過去年時遙想友朋
送定教妻子疑荒村同宿少殘雪獨
行遲却使余愁減狂吟有客詩

除夕

遙遙萬里未歸人幾品頭銜繫一身
明日紀年爲癸亥此間守夜似庚申
亦知臘盡寒將退共識更殘歲易新
最是萬難消遣處南邊雲下有慈親

韋叔太遺詩題詞

韋生有遺編世人不入目形骸寄空山草稿藏破
屋揚子徒擬元賈生自賦鵝生死皆可悲不如草
與木其友石鐵人來自黃河澳再三屬採搜言語
忘重複去年辭歲時提携始一束我方思故園暫
與度做籠今日天氣寒圍爐歎瑟縮展卷未及終
窗風起謾謾詩人例多窮自難獲厚福盛名胡亦
艱天道詎可卜况多懷我詩君死留我獨我昨聞
人言其妻大義篤常恐詩不傳未肯容膏沐有婦
乃如斯何必子徒讀曹人於友朋豈但相徵遂願
破黃金囊盡裝白玉軸更歷千百年庶幾有私淑
吾言非阿諛哽咽不能復

贈孫星園

我有抱孫樓未谷爲書扁遂令數椽屋高於千仞
嘯未谷工古書漢隸秦之篆筆勢如龜龍非徒執
蜓蟻遠客思樓居圖形置巾卷擬勒一片石捫刀
人未善今見孫卿書開合頗竒變於我不相知刻
畫如玉琢未谷曲阜人孫卿生於單在古九州域

其產乃皆究所以嗜好同有如瑚與璣人世高樓
多似此得者鮮作詩遠相寄九岳報玉甌

雪山

自掃門前三逕雪新添楹底一重山始知無事日
皆暇便是入官人亦閑沽酒小橋流水外題詩橫
嶺側峯閒醉中忽訝梅花落盡在清清碧玉灣

雪後留客

朝來欲作送行詩已是霏霏雪下時傳語諸君且
高臥休嫌新歲出門遲

憶山中梅樹

潭西草續五

二

故山處處梅花樹不到春時花便開今日武陽風
雪裏誰家驛寄一枝來

雪山歌

濟南城東數百里無一尺山入眼底居人遠行偶
見之輒以雲烟妄相指我來本自深山中三年不
復聽松風昨夜庭階霰雪積取作小山將毋同直
者爲峯立如筍藏者爲壑伏蛟蜃坡平嶺峻巖高
深洞蟄雌雷谷虛牝自將畚鍤衝寒施兒童賓客
爭推移外人睨視却大笑此翁何似年少時亦知
終與真山異差勝圖形卷在笥琴絃未改銅鐘鳴

與作周旋小快意君不見一痕新月銀爲鈎雪山
照耀如瓊樓天半峨眉不得見寒風颯颯來城頭

雪後赴郡道上

寒雲初散曉烟低誰碎瓊瑤襯馬蹄似恐紅塵無
避處天公爲築白沙隄

郭家噎飯後

食罷駟車去惟愁雪遽殘如能萬古在何惜一生
寒長路行將半孤吟興未闌終懷小樓上半醉卷
簾看

慰僕

潭西草續五

三

有身同作客所至詎如歸令尙乘羸馬奴宜著敝
衣行看春色近坐見雪花稀嘖嘖汝何羨幾人輕
且肥

途中戲作

不盡行人意愁生落日餘遙望小村舍却似舊山
居市遠先沽酒春寒更買魚途中得好句草草就
燈書

枕上

雞鳴天未曙伏枕憶名山幸有今宵夢猶從故里
還携兒似年小侍 母覺身閑樂事非遊宦何心

戀此閒

歲月來偏易春風指顧閒忽忘當舊日何事出深山
人以遠遊老身於卑秩閒荒村容一宿已似隔塵寰

不知時夙莫推枕視窗虛生白連晴雪分光到草廬
已聞奴秣馬似有客登車吾亦披衣起遲遲一作書

寄雪樵

不作王摩詰吟詩伏草中狂歌落大雪長嘯起雄風
此日小齋下幾人清興同相思應有句好與付

潭西草續五

四

飛鴻

自郡歸值鐵人旋里同宿旅舍

客路忽相見偏逢君早回應忘守歲夜始自故鄉
來晴雪在官柳香風過野梅荒村同一宿明月共徘徊

聞張金門訓蒙山中

倦遊思故舊今有幾人閒昔臥白雲裏同吟紅樹
間青青茅覆屋淺淺水涵山村酒知新熟何時共醉顏

寄趙敬修

送客遠遊日聞能扶杖行兒孫知采藥老子自長
生一別經三載相思度百城歸來過村墅先與訴
離情

哭劉聲宏

石生劉竟死乍喜已旋悲暫聚此天地誰能不別
離余年今已老人壽幾何時好從次廬去重廣長
慶詩

石子真至

少年人乍至羣誤老儒生階下辨顏色世閒知姓
名陸機原自異杜牧最多情聚散皆天賦車夫夢

潭西草續五

五

早成

松

百雉殘垣雪未晴層層烟霧縠紗輕誰人移換枯
楊樹盡作飛花送入城

山城二月落花稀裹逼越王宮錦衣不似天孫工
織素皎綃萬丈挂寒暉

漢渡先生至

兩年易水弔荆卿風雨燕山夢亦驚書到隔年同
有恨昨宵遠遠聽車聲

未曾結韉騰先移瘦貌蒼髯此一
時記否淄河秋

夜曉燈殘酒冷賦將離

王希平再至

途中爲奴所盜

往來少佳日凍餒一身兼羣盜原如鬼人奴自不
廉文章貧後賤風雪客中嚴西道無賢主嘉賓且
久淹

贈王子文

少年意氣薄儒林漸看風霜兩鬢侵休向生前驚
俗目要令死後愜人心烏衣家世雲霄近蠶尾詩
傳海嶽深華胄才名兩無忝好從池北廣搜尋

卽事

潭西草續五

六

荒城雨雪入春寒已到衰年跪拜難腰帶寬圍銅
剝落頭銜斜注刺凋殘神祠分煖乞兒席馬廐相
彈末吏冠走卒輿前同一笑可憐落日未朝餐

送子文再赴都中並訊熙甫侍御消息

米貴長安不易居君歸幾日又驅車梁園久著枚
臯賦漢室新成買誼書去及春風吟岸柳來當秋
雨煮河魚莫忘尺素先時寄死到西臺語恐虛

春雪和譚春圃

青春還見雪黃竹續成謠高曲聲難和清吟氣亦
銷畏寒猶縮手忍凍不伸腰爐火圍如許琴絃裂

幾條誰人騎蹇衛獨自過村橋銀海有光耀玉山
無動搖追呼能賦客點綴賣花朝地上紅塵斷空
中白羽飄更爲披鶴氅未便著鮫納寧羨垂綸叟
晴江逸興饒

哭劉岸淮先生

峩峩天柱一宵傾星殞如雷世盡驚獨對事皆闕
社稷退朝人止認書生季孫自學蒼鷹逐伯樂長
聽伏驥鳴每笑顧厨標榜甚依劉原不是虛聲
我是支離一散人深山草木自爲春微官早信輸
屠釣 盛世重教識鳳麟薦士古來微閱憐才
今許到沈淪感恩知已均須報已失休休一个臣

紀夢

賦歸錄錄尙無期食少眠多衰可知夢底分明似
年少先人送我北行時

野瑾

有生必有死大化無或私嗟來自何所姓名人不
知橫腰少利劍定弄亡命兒亦非諸侯客搜索囊
無詩極瘦深至骨淺黃微有髭柳筐與木杖委置
當路岐春寒不可耐孰與相扶持暴露竟無主爲
主吾何疑主澤及枯朽春令先鶻飀狐搢固可慮

餓食尤可悲，丁寧語里正。爲汝深埋之，形骸返泉壤。
魂氣乘雲螭，故鄉有故鬼。不汝新鬼欺，此閉詎足戀。
嘯月空愁思，我亦遠遊久。振觸涕漣瀾。

燕子

燕子歸來二月天，村前村後杏花鮮。
酒樓冷落青帘影，悞出山中又四年。

青山

青山無影水無聲，匹馬出城還入城。
遍覓桃花全不見，斜風細雨又清明。

代桃樹

潭西草續五

八

仙源只自在，人閒幾个漁。
郎相對，閉春到，便開花。似錦問君何故賣青山。

清明前一日

風沙漠漠易黃昏，白日無情畏出門。
去歲幾經芳草路，此閒何處落花村。
新詩半逐年華減，春夢爭如菜牘繁。
萬井人家值寒食，夏畦鬼墓亦招魂。

買花吟

春風不擇地，所到皆付與。
斗大武陽城，鄒律未吹黍。
年年三月鶯花新，全齊七十二多遊人。
我獨醉眠不稱意，夢中欲問桃源津。
仙人翩躚騎鸞鶴，相態

麗佳競綽約彩雲五色隨身携散作紅雨紛紛落
東家翠袖憑高樓金簫玉管西鄰舟十斛明珠各
有贈不分南北齊銷憂氤氳使者忍予棄遠道不
將一枝寄縱然白髮終難簪何至紅顏亦見忌我
有老眼雙青瞳不曾桃李看霧中已過一百五日
節莫惜二十四番風心非錦口非繡筆上之花生
未就東君爲我語仙人安得黃金爲汝壽

春色

寂寞長門作賦才好風好雨獨徘徊未知春色留
何處早見牆頭粉蝶來

尋春歌

潭西草續五

九

牡丹花中王幽人尙不齒何況天桃與穠李千林
萬樹蒸雲霞走馬看如婢妾耳武陽城郭亦人閒
胡爲寂寂並無此十日出北門五日入東里眼中
不見金谷與華林但見黃風白沙時時漫天起新
鶯不敢怒怒啼乳燕安得雙雙止風香塵軟望神
仙輪角蹄方避紅紫吁嗟乎造物功能斯已矣時
何爲有青春人何爲有文士九幽之穴皆可居一
邱之貉不足恥我不能如潘岳種桃滿縣裏又不
能如董俸樹杏深山底縱有步帳及芳筵懽懽將

從何日始傳聞海上神山可選徙中有竒葩異卉
草木之疏未及紀誰與大力負而趨不然一夜飛
來更可喜吾將解龜解魚換酒多且旨招招吾黨
二三子不飲不醉誓不休直待花開花落結實然
後已

安南王

阮福映好蠻子長農耐雪先恥滅安南摧朽耳安
南亂臣如朱五生兒居然亦犬豕摸金發塚校尉
中郎丞相置之汙國史何況煌煌國王作賊海中
豈復有人理一朝傾國都喪印璽天道福善禍淫

潭西草續五

十

固如此阮福映好蠻子不敢自私上諸天朝

天顏喜天子曰咨爾阮福映爾之恭順無

與比爾其世子孫君王安南矣國維舊命維新
不得復以南越儼臣阮福映崩角稽首九拜言願
爲天朝不侵不畔之臣以沒齒阮福映好蠻子
惜哉敗績相公不及見之身早死

鄉園

鄉園夢到夢中疑欲問神龜龜不知病久正經年
老候愁深是送客歸時板輿自愛花閒路行卷休
書醉後詩粗報君恩今廿載小臣何以遂烏私

問春

雲羃羃雨絲絲清明已過春不知玉勒金鞍向何
所落花芳草看幾時去歲青州好風土城中城外
尋花枝常恐清晨出草草不嫌暮夜歸遲遲如此
卑官處處可偏教索米重來斯回首青州已天上
故鄉烟景那可追

代春

五日風十日雨濕透田閒一犁土人看石燕雙雙
飛我愛商羊得得舞去歲三白兆年豐有蝨不振
詵詵羽今年早魁百無憂兩岐九穗如携取官得

潭西草積五

十一

飽食民不飢桑柘陰中聽社鼓汝今爲令非爲仙
莫問柳塘與花塢

題漁洋種竹圖

長松百尺覆茅廬中有山人坐讀書忽憶涓濱千
畝竹分來夜雨曉風初

玉笋門生卽畫師更添一絕是新詩山中正解新
篁籜誰記劉郎手種時

無田

無田不退已爲貪幸免饑寒住日南五畝園中葵
號兔四圍山下豆名蠶春深雨氣通花徑夜半泉

聲入竹庵豈爲此閒多種秫年將六十尙華簪

上巳節濮州道上

芄芄麥壠青接天遠村近村相聯綿草屋有人臥
不出桃花開遍斜陽前醉中乘馬如乘船僕夫懽
喜奴欣然遲遲不盡綠楊岸鳴鳩鶉鴿飛春田

牡丹未開

望斷紅霞最惱人天仙不易到風塵春光屈指今
餘幾難道花王是殿春

悞聽花開色欲飛一聲雞唱便呼衣鄰家依舊春
還早翠幄陰陰綠四圍

潭西草牘五

三

春花百種恨同時誰似風流絕代姿莫學深閨小
兒女嬌羞不肯使人知

同焦筠軒趙紫山遊官花園

濟陽城外官花園年年車馬如雲屯謝安東山自
携妓孔融北海頻開樽自謂多情是花主朝逐香
風暮隨雨纏頭束錦酬清歌脫手千金償妙舞可
憐百忙才一閒幾時醉臥花陰聞玉勒乍嘶芳草
溼金衣空囀綠楊灣我昔來遊子無偶偃紫倚紅
獨舉酒種花人既是紅顏看花人亦非白首逡巡
老矣猶簪花笑着十里朱簾斜倚樓與君共嘯詠

鶯筵有客同客嗟日落未落鴉陣返欲去不去歸
路遠壞牆破壁題姓名拂袖籠紗忘恩怨再來何
年同何人未卜先春還後春但願園丁好護惜花
枝嬾娜迎車輪

飲葛園謝周明府

春光三月最多情清曉入城還出城柳陌新鶯聽
不了到門又聽畫眉聲

迎面桃花如雨飛輕盈全不著征衣兩行紅紫無
名字只當深深錦四圍

周郎雅量許移廚對酌西涼酒百壺不怕名花嫌

潭西草續五

三

客醉醉中正要美人扶

處士良田未就荒百花栽徧勝農桑似聞唧唧花
神語尙少空亭水一方

周明府復有蘇園之約而余以醉未能遊歸

後辱和佳什並書深感厚意再賦短章

兀然醉倒載車歸柳樹梢頭剩落暉莫怨東風留
不住香雲尙逐馬蹄飛

東園花氣接西園不惜征衫上酒痕一曲葛疆歸

去早肩輿未得到蘇門

歸來且喜訟庭閒啼鳥落花清晝間寄到故人書
一紙劉郎甚悔出仙山

飲葛園時戲言七日後重來甫三日已爲濟
南行矣再寄周明府

深色花叢未盡開與君七日訂重來鞭絲已指鷓
華路誰醉春風焚尾杯

長路輶車半日停籠中鳥語亦堪聽忽忘身是風
塵客夢向花間醉不醒

荏平道上

潭西草續五

十四

矐矐初日照車茵柳絮輕輕飛撲人睡起誰家小
兒女開門戲捉雪花新

齊河道上

車聲輓輓遠相聞衣袖猶沾泰嶽雲絕勝濟南奔
走客椒蘭不識爲誰焚

沿途皆泰山
燒香婦女

哭王熙甫侍御

每從諫院想儒林下直垂簾自苦吟疏入常關天
下計詩成時見古人心祇應道路誤傳死何可鬼
神真見侵他日長安重走馬臺前古柏影森森

至棲霞縣賸牟陌人

我非不識君君非不識我僮僕不相知應門語相
左已是三年別不分一席坐搖鞭太息去馬首爲

駢賦君起見名刺立斥僕燕嬌遂忘嫌疑地時子停縣署

急尋如星火歡敘平生言喜極淚欲墮重造賢

人廬門戶無關鎖著書滿屋梁泰岱失嵯峨心精

多獨得妙義相印可往往笑古人遣大舉叢隄我

困風塵中欲行足已跛開卷字不識低頭自憊懨

看君鼓神勇中流牢把舵亦欲擊棹歌長江附巨

舸年歲傷老大氣力日衰情況今再出山陸沈亦

未果槁壤蚓自安繭絲蠶自裹二者就是非何事

潭西草續五

壹

矜負荷君庭有長松君酒有白墮聽松且飲酒世

路未坎坷

夜至竒泉寺

林暗疑迷路橋橫已到門溪聲清不斷星影澹無

痕乍見嶺頭月難忘山下村老僧知舊令往事愧

重論

悞入崑崙山中

山中氣味異風塵半日烟霞貯此身本以迷途逢

勝地遂令忙世有閑人立時便覺仙非遠到處皆

嫌盡未真一悞不妨還再悞重遊何必武陵春

過一村是崑崙山最勝處

巖岫多竒變環村更不同人非謫天上居豈得山中叢樹皆仙木羣羊亦雨工未能停馬足有愧訪崆峒

早行

月落繁星暗雞先山鳥鳴居人猶後起過客已前行樹杪羣峯合雲端一逕橫遠村深谷底數間不知名

捕雛行

捕蝗及海外止宿荒鄉村雞犬寂如水清溪聲到

潭西草續五

七

門前前綠楊樹餘蔭來短垣野燕哺衆雛巢隱枝葉繁不知何童子四五謀樹根忽然陟其未躡捷如猿猿見之恐驚墜欲止還舌捫須臾衆雛燕探盡無復存雌雄氣力弱飛繞求救援下令反若子桀鷲唾予昏蝗今滿坑谷勢將及周原捕雛不捕蝗二物何怨恩四顧雙野燕空勞訴煩寃夜半不能寐有語聲欲吞侵晨策馬去此非吾邱園

山陽寺僧餉櫻桃

手種朱櫻熟林禽未及知摘當新雨後餉及遠行時飽傾好風味歸看空樹枝不須誇紫禁赤玉與

青絲

至古縣晤王紫菴廣文得觀詒堂先生手鈔

蘇詩

征鞍暫解綠楊閒汗出翻漿未敢閑莫怪磁山不
重上此來原不爲看山

夏屋潭潭有故人座間花木自爲春過門一語忽
忽去慚愧吾家舊伯倫

蘆蘆落日得歸休阜樾喧闐避客騶獨自重尋花
落處朦朧月色上牆頭

手前茶熟注花瓷商略燈前陋鼎彝先進風流誰

潭西草積五

七

得似魯公書寫長公詩

中年我亦學鈔書草草終篇遠不如諱老今宵看
夾注眼中時認魯爲魚

紫菴贈心經墨

學書與學劍均之爲小技學書取足記姓名如此
更復成底事所以周漢皆能書不曾以此分軒輊
魏晉而後代有人乃笑楚人不識字我生五十有
一年欲焚筆研心茫然判牘批牒俗入骨逢人未
敢論媼妍詎意交遊補壞壁爭買縑素揮金錢雞
距兔豪適成冢松煤麝膏空生烟君何爲乎遺兩

斑未出葛囊光炯炯得非大獲曹公藏不獨自用
與人並終身多蓄不輕磨有墨究與無墨等竟以
贈人亦太豪上有佛經瘵者醒我有石研來端溪
鳳味龍尾難與齊深刻長公七言律辨真疑贗殊
品題有硯何必是蘇軾有墨何必李廷珪持君墨
歸試我硯重看太乙然青藜

重赴登州見海

王事猶勞我馳驅路幾千人都非少壯海未變桑
田島外宜爲市樓中或有仙久懷遺世想今日上
誰船

潭西草續五

六

望磁山

昔年我將去磁山苦相留巖洞積冰雪亂舞玉龍
虬今年我適來未作登山謀蝗蝻滿山谷一日經
千搜只解捕蝗不登山山神怪我徒煩憂不與雲
雨只生蝗我爲山神亦含羞云何神巫傳神語蝗
是神虫難與仇文棟雕梁飾神室不出三日神爲
收嗟我捕蝗四十日信如巫言復何求早辨蠟屐

上山頭

蝗

既生百穀何生蝗天道於此殊茫茫四其翼且六

其足無所分予更荒唐初生伏山谷見人尙畏藏
繼乃入平隴其勢漸猖狂十有八日如蟬蛻輕紗
薄翼能飛颺柳樹摧殘履底貴鳴金鼎沸旗齊張
健兒爭先恥文弱越山跨澗同康莊十圍五攻有
成法左折右旋無故常用農卽兵蝗卽賊誓不使
賊爲民殃可憐老翁無氣力弱孫幼子相扶將微
役凶年不得息十家三四離故鄉我聞賢人之境
蝗不入蝗之生也無循良方今齊城七十二同官
大半皆蠱黃蝗何爲乎策策而堂堂幾令千里無
遺糧虎可渡河鱷可徙我欲披髮排帝閭前導飛
廉退六鷁驚天動地颺風狂下策火攻笑田祖吹
入渤海歸混茫再沛甘霖及一尺農夫計日收穫
穰我亦歸去停鞭韉

大辛客寓看山

瘦馬行山中時恐墜巖谷昆蟲何不仁依險聚其
族日役千餘人上下相迫逐常怨山不移俾爾得
生育今朝甫開門青山卽在目又如展名畫頓忘
食餽粥喜慍亦何常山中好結屋我本山中人歸
去種松竹

自西山歸遇雨

日暮西山歸斗然遇風雨道逢捕蝗人環跪在泥
土自言愚且賤未能爲賓主噫中有茅屋暫避公
無距役汝已十日相親不我怒此風何其淳毋乃
是太古我行携雨蓋我歸醉宿酤汝輩勞且飢去
去閉蓬戶

贈金瞻魯

東牟壯士無人識我行得之有氣色千金戰馬閒
不騎上出雲霓下不測此來捕蝗非殺賊以此殺
賊賊可克白面書生難與謀試問何事可報國

端午日劉立夫邀同牟陌人遊艾山

潭西草續五

三

艾山山上艾葉綠五月五日可采服艾山山下溫
泉清于役五旬好休沐人生何不早脫俗上山采
艾下山浴山前正有孺子歌聽是濯纓與濯足我
今東歸苦不速如此勝遊亦兼燭醉中未敢題新
詩前賢碑碣尙碌碌所喜故人溫如玉久賦歸來
少拘束城中折簡招幽人相與酣眠老瓦屋

足痛

遠行及五旬不曾爲足勦昨日得休休俯視始心
動自此多憂疑遂覺時時痛不見天全人無用勝
有用兀者何所憐登臨尙須共家鄉况萬里歸去

將抱甕差喜息微疴客來免迎送仙人倘可遇便
與驂鸞鳳

抵鐵柅

只疑山已盡隔嶺有人來路逐清谿轉花從老樹
開鐘聲何處落樵唱此中迴忽忽忘衰老蒼茫覓
酒杯

山中

不愛山中行只愛山中住山路不可窮山光無盡
處行時畏偃仄住時得深趣如何山中人但知行
山路

潭西草續五

五

白雲生山中俄頃到天上天雲與山雲變幻難爲
狀有時作霖雨有時自蕩滌視視山下人翹首空
仰望

由鐵柅山徑至大澤山

出入烟霞裏人閒不數人方將尋好手相與貌閒
身久立僧爲厭徐行僕亦嗔從來車馬客到此每
逡巡

萊州鄧太守邀飲園中

東萊之山有大澤秀拔清癯自一格我來登覽空
無人不見森森萬古宅徑歸酣醉眠蓬廬夢中忽

到仙人居元鶴清鸞聽不足丹崖翠壑看有餘當
時只疑大小李尺幅之中寫千里豈能天外令飛
來落入深深草堂底北海太守今開樽真山假山
盈前軒坐客如遊復如夢誰爲蓬戶誰朱門太守
置身本邱壑如此園林正不惡行役我今厭塵塗
不覺長歌白日落

借李刺史吳孝廉遊七十二泉

附蕪羞清夜鄉情話此間雖然殊故里已是置仙
班風不暫辭樹泉如原在山歸來夕陽後尙妒老
僧閑

潭西草續五

苦熱

何夕秋風至軒窓四面開聽泉孤月落待鶴片雲
迴此日空搖扇無心數舉杯蒼蠅方得意駢去又
重來

題畫

醉後昏昏午夢長起來依舊汗如漿小樓記聽芭
蕉雨一枕秋聲入畫涼

題趙墨琴畫竹

涼生夜雨後有客逕來訪倒屣忙出迎相問各無
恙久客胡不歸意氣殊倜儻君言明湖秋香風日

蕩漾醒上鵲華橋醉移白板舫不辨囊早空第覺
神乍王今朝曾次開空濶絕依傍渭川一千畝縱
橫人竒想君如有絹素爲君貌屏幃湖州卽可作
此生豈或讓筆硯安未已磅礴難爲狀須臾幾萬
竿森森遠相向忽聞風雨來飛泉落疊嶂檐前响
磷石霧縹復烟颺疑是畫中物何爲庭堦上君歸
幸不早得睹此意匠把玩手不釋寫生語豈妄終
恐化龍蛇湖水湧波浪

墨琴蓮花幅

明湖荷花種百頃不曾開在無人境輕橈畫舫時

潭西草續五

三

來游雜選青衫紅袖影水中汎汎孤野鳧一羣家
鴨歡相呼避客驚飛爾何物可憐翡翠毛羽殊昔
我買舟待明月一夜霜風吹不歇蓮花落盡蓮葉
收倒影清清見城闕爾時名士如星雲高歌痛飲
忘宵分欲采蓮花無處所七橋衰柳徒紛紛今年
做宅橋邊住門前望見繫船樹蒸人暑氣無從消
不曾踏著湖上路何緣四座香風吹幽人翦取美
容陂爲我中堂置屏幃欲將好畫催惡詩湖上蓮
葉有時淨畫中蓮花日掩映安得美人歌采蓮擗
手湖邊照玉鏡

同王霽堂趙墨琴上千佛山

城中看山山不高空有巖阿構臺榭及登山上看
城中十萬人家在足下紛紛冠蓋揚飛塵日烏月
兔何逡巡蝸角蠅頭競得失幽人耳目無見聞山
上城中去尺咫小知大知已如此何怪鸞鳩槍榆
枋不識扶搖九萬里

七夕

不詣牽牛已隔年銀河耿耿在秋天誰家乞巧癡
兒女穿線朱樓夜不眠

同諸同鄉陪張碧泉主政遊大明湖

潭西草續五

三

選勝客初到倦遊人未稀香風生古渡涼氣上秋
衣港口穿花入船頭載月歸心隨輕桂楫還向故
園飛

效虞道園試問堂前石

試問堂前石應來海外洲閱人多遊客歷世幾悲
秋不至如拳小誰能一袖收當門有湖水日夜自
西流

月夜對石獨坐明日將赴曹州

滿天涼月影沈沈照見愁人千里心若使濟南無
此石不添離恨一宵深

宿阜城里夜雨

百里飛蝗趁晚晴，微涼薄醉夢初成。
重簾不隔瀟瀟雨，一夜殘荷葉有聲。

孫嵩峯新居

結廬先種樹，室在綠楊中。
好客仍陶侃，移居卽葛洪。
市廛今自遠，車馬舊曾通。
到此誰能去，壺尊本不空。

宿習靜軒

舊諳門徑易，相尋月黑疎。
星出遠林駐，馬便尋高枕。
處花香書影，較前深。

潭西草續五

五

涼雲老樹傍，高齋客夢醒。
時亦復佳靜，夜秋聲非一種。
可無疎雨滴空階。

危樓高處摘星能，有客何妨住下層。
聯榻如雲皆舊友，幾人今夜賦秋燈。

雨蒼獻廷嵩峯綸占映輝儼若隘園霽園紹先俊騫

敬宣

同宿

春花秋月總多情，佳日過從記不清。
長憶韋劉同夜坐，一枝綠玉影縱橫。

憶叔太聲宏也

人在前村望似仙，行車如泛米家船。
一從小閣傾離酒，不見情同五百年。

時完璞未至

題兩如道人畫中不著一人

秋氣深沈樓閣空
曉樵徑似相通
如何山下游人
屐不到微雲澹雨中

韓化南贈筆

我不曾夢中得筆
看如椽醒來草制
丹墀前又不曾一
夜生花滿筠管文
思煥發當少年老
景頽唐百不中快
劔難斫馬難控有
時醉後長短吟籠
鶴檻猿少飛動怒
怒慣作行草書先
迷亥豕與魯魚詩
旣粗率字亦醜三
錢雞距相吹噓君
從何處市得此宣
城諸葛可廢矣旁
鐫三字純羊毫左
發右發強弩矢我
聞筆工爲此勞一
羊或得其一毛壁
上懸之日熟視縛
成價比南金高世
上譚詩失李杜書
家虞褚早黃土空
有敗筆成高邱筆
工應悔作筆苦我
今合處奚囊中不
教脫穎爭雌雄坐
待秋分明月夜相
看氣微飛長虹

謝董換一畫並嘲石完璞

石家書畫高於樓
殘縑敗素難強求
使我行裝少顏色
秋風竟夕聲颼颼
董翁於我不相識
傾箱贈遺忘窮愁
畫山似山水似水
疎林小屋皆清幽
更喜中間少行跡
一時買隱無巢由
我家本在萬山裏
遠來拔宅誰與謀
挂此高堂三歎息
歸心瞭亂

山靈羞云何石生不解事徵歌索賦生煩憂我今
但願此中住試添石榻吟清秋多謝董公好身手
畫我莫畫今白頭

戲作

到處兒童笑指看無風無雨解征鞍焚香讀壽秋
聲底恰似當年初罷官

登琴臺同雨蒼獻廷藹亭嵩峯儼若映輝致

祥兄弟

千古此高臺登臨暮雨來古人不可見我輩有餘
哀蟋蟀空多恨芙蓉自晚開河流今未改濟世正

潭西草續五

三

須才

贈琴臺僧

燕子桃花憶舊遊高臺落木又驚秋故人一半歸
黃土羨爾山僧未白頭

留別諸故人

相留秋雨後相送晚風前轍淺車聲小帷低帽影
偏寒蟲猶泣露秋鳥已衝烟高處頻回首徐徐漫
著鞭

題楊又山同年戴星圖

必子宰單父鳴琴不下堂繼之者巫馬出入星有

光勞逸不同治各用其所長前賢去已遠後世多
循良梟盧廢白日絲竹娛昏黃反啜悃幅吏不知
弦更張食祿太平世何以酬 君王吾友又山子
剖符來此方登臺肅遺像俎豆餘馨香鼓歌自大
雅風流今未皇乃圖戴星像期也相頡頏一人佩
刀侍意氣飛秋霜一人持矛立志欲催天狼又山
龔而出斜月懸東牆一時盜賊靖萬古狐魅藏四
體自勞苦未敢安匡牀我時在鄰境竊願携同行
筋骨愧羸弱議論慚踈狂慨然解印綬歸臥白雲
鄉又山亦早去有母朝夕將今來復何事汲汲憂
農桑前年決河水萬姓偕流亡斯人不早出南箕
空簸揚既來莫遽返北斗同瞻望此圖不時有此
人安可忘

題又山汎海圖

天地視一海杯水覆均堂世人兩眼小於豆乃謂
海爲百谷王或望而歎或却而走一生不敢輕易
觀汪洋豈知平地風濤甚於海海上乃有千年不
死之仙鄉謂地非地水非水乘舟策馬皆康莊知
此者誰楊夫子不駕鼉鼉不控鯉短篷裊裊颺茶
烟獨坐船頭闊外史波平浪靜如磨銅照見青天

九萬里星辰瑣細那足論捉口捉月在手指魚龍
百怪深潛藏可無鯢化爲鵬之翼怒飛起灑灑小
漁舟得魚沽酒無所憂茫茫大海舶外夷琛貝堆
層樓此子不漁亦不賈坐看朝潮夕汐無時休乘
風直到蓬瀛與丹邱欲問小九州外大九州召畫
史圖壯遊世有鄒衍談天口曼倩元虛侍左右然
後一出此圖質可否莫教局局促促世上人飽食
寒具汗油手

題又山歸田圖

二月新秧出春水八月秋風食稻米河流不溢蝗

潭西草續五

无

不憂竟徐之間豈有此生強仕非公孤無田亦
爲人傭奴何況有田不歸去折腰屈膝慚此圖此
圖中田無百頃上縣縱橫及萬井百頃就治萬井
荒亦獨何心效箕穎本是聖朝耕鑿民未能安
坐辜青春君先我後言不食南旋過問歸田人

宿金鄉

僮僕酣眠月到遲青燈閃爍不勝悲亂蛩四壁悲
秋夜孤雁一聲作客時新病何關重命酒長貧未
敢更言詩偏懷唱和前宵雨白髮蕭蕭盡舊知

夜抵任城

風吹涼月上城頭我欲重登太白樓天上謫仙空
一世四明狂客亦千秋村醪有味如當日關吏無
情不可留鄰近南池祠杜老瓣香心跡共悠悠

夢

夢中有客故鄉來爲問菊花開不開客道今年花
甚好山房曾醉兩三回

驢鳴行

百里馳驅人已老投宿黃昏苦不早燈前濁酒碎
深杯襍被繩牀隙月皎四鄰夜靜無喧呼第聞瘦
馬齧枯草遙遙旅雁依汀洲點點棲鳥上樹杪忽

潭西草續五

三

然一聲來柅間屋瓦欲飛牆欲倒未必虎豹深相
驚多恐蛩螿半爲惱其風其逸未可知謂覺謂盲
總難曉一聲不已續聲聲不知長鳴有何好隔牀
倦僕眠正酣雲語嘈嘈聽不了披衣翦燭爲長歌
抑鬱曾懷試一掃如何名士偏歡忻弔客情深尙
擾擾

寧陽道中

久厭風塵苦勞勞又判年青山雲外見白雨樹間
懸行客渡秋水居民炊晚烟知投何處宿疲馬不
能前

見泰山

馬頭雲氣幾層層，泰岱東遊我復能。未信山中多
捷徑，難禁雨後不重登。石碑字竟無人補，松樹
從異代稱欲向元君詢。一事求仙得藥記，誰曾

看山

看山心已到，山中踏破層巒彩翠空。欲倩畫師爲
小景，芒鞋竹杖恐雷同。

短歌

一日馳驅一百里，大路能言笑不止。幸有名山共
晨夕，羣峯青青一峯碧。山中仙人如喬松，欲往從
之去。咫尺仙人笑我非，紅顏東奔西走何時還。我
笑仙人亦自苦，蒼梧北海朝暮間。我與仙人互相
笑，孰爲觀竅孰觀妙。不如乞郡如酒泉，昏昏一醉
高枕眠。直待中山酒醒後，起來白眼望青天。

抵濟南

兩日行山間，遽抵濟南境。我心方惆悵，僕馬快馳
騁。涼風倏而至，車上乍覺冷。不識衣裳單，反訝節
序猛。北來彼何人，光輝自顧影。人生天地間，貧富
素所秉。行行勿復言，吾道在箕穎。

小車行

庚戌舊作

小車聲如鼠大車聲如虎小車語大車黃金豈糞
土小車一人挽一人推而前大車四馬爭相先八
十四馬騰雲烟紅塵滾滾官道邊

中秋對月

居人中秋見月喜行人中秋見月愁居人見月團
欒坐當歌對酒無時休行人離家幾千里湖光山
色空悠悠試問青天有此月可曾夜夜如中秋

鵲華橋上望月

萬點繁星不在天獨留明月自娟娟清光如此無
多夜橋下人家半醉眠

潭西草續五

三

客館月夜

青天不見片雲浮明月何祇照玉樓看到夜深人
醉臥醒來猶在柳梢頭

同王霽堂上會波樓望月牟盧坡朱敘人亦
至

白月深沈海水黑大地朦朧行不得海神不惜驪
龍珠先向城頭照肝膈王郎意氣如我豪長將白
眼輕兒曹除却看月不稱意象中怒馬同登高歷
下人家十萬尸下視茫茫在烟霧盡訝廣寒好宮
闕一曲霓裳舞何處吾髯忽向空明中朱家攜手

如御風此時月出已三丈鵲華兩點青濛濛忽憶當年高樓上笑傲烟雲絕依傍關山一別曾幾時酒客詩人半凋喪人生哀樂難先期高樓亦是傾仄時不願有身長不老第願有月長不虧

秋海棠

海岱茫茫百萬家幾聞聚哭潤桑麻如何一點相思淚灑向秋風便著花

雨後

晚涼添雨後愁思到窗前官轍龜難卜家書雁不傳遙遙將萬里冉冉已三年此去滄溟近無由汎

潭西草續五

三

海船

同鹿雪樵觀書

相對無言只檢書團團朝日上窗虛問君風味今何似恐是前身兩蠹魚

九日風雨

鵲華山頂去題糕醉把茱萸尙自豪只在茫茫平地上縱無風雨不登高寂寞重陽酒一杯黃花只向故園開幾人采罷東籬下笑看南山首不回

又七律一首

海氣蒼茫雁不飛
魚龍結隊掩朝暉
買船白墮新來少
官舍黃花舊種稀
眼底無山容著屐
客中有淚省沾衣
忽聞秋色隣家好
便欲相尋向夜歸

九日綦宗禹家看菊同李筠圃鹿雪樵

歲歲重陽付酒杯
海城今日獨徘徊
涼雲何處登高去
秋雨君家看菊來
自分踈狂非俗吏
相憐澹

潭西草續五

三

蕩盡仙才不應嫌
我將車馬久駐門
前鳥獸猜

和徐耐村九日遇雨之作

共有登高興
秋花繞女牆
殘雲如盡卷
老氣豈嫌狂
海色連天濕
潮聲入夜涼
城頭空負約
且待古重陽

秋

江總三公尙黑頭
平生甚悔附清流
夢中願作莊周蝶
客路誰如李昉鷗
矜貴文章非傲世
牢騷意氣亦驚秋
玉皇天上能相召
散髮騎鯨不解愁

題徐耐村畫菊

竟響射鳴竹枝弓不斬長鯨駕海風但願年年秋
色裏黃花影落酒杯中

昨宵月樣恰如弓鴻雁聲前木葉風欲問陶家三
逕底一杯濁酒有誰中

題徐耐村詩後

又見詩人徐耐村宋元風韻汝猶存關心最是揚
州月夢底衣衫上酒痕

畢笠江至

經年不相見只說上神山弱水三千里仙人不可
攀孤舟風雨慢一杖海雲閑忽跨清秋鶴翩然到

潭西草籟五

三五

此間

西隣石歌

卜肆君平死已久姪女空誇數錢手轆轤鳴咽高
樓深吁嗟此石不須有清風出入懷袖間我欲提
携衣爛編巨鼈有力不肯戴愚公移汝如移山豈
不興雲出霖雨亦能大廈相撐拄人間有福是不
材頑石紛紛誰顧汝今日爲汝長悲歌汝雖不言
將如何隣翁憐汝復憐我秋風秋雨重經過

題梅菊雙清圖

老圃黃花剩幾枝玉梅不恨不同時陶君爲主林

君客有酒應傾千萬卮

松菊猶存圖謝徐耐村

昨夜舟中看海潮月光水色太無聊感君置我東
籬下醉聽松風覆酒瓢

同諸公登東津城樓

屹然百雉枕清流與客登臨共賦秋片片飛帆來
海外蕭蕭落葉下城頭飢鳥寒雁依殘照蔓草荒
烟認古邱幸值昇平無事日何如王粲在荊州

自憐

自憐遲暮日易稱此頭銜卜宅依民舍當關數海

潭西草續五

三

帆無人詢治譜有客典朝衫醉後登高望閒愁半
就芟

再題西隣石

長同燕石棄庭前聲價今如不直錢記得史臣簪
筆日寶書曾注隕星年

風色沉沉雨氣垂海城獨立有誰知如何不入米
家舫笑看低頭再拜時

泛海

懶向關頭臥飛帆作壯游長天到海盡大地與波
浮自欲笑河伯忽思盟水鷗神仙殊渺渺何處有

瀛洲

海潮隨月上我亦返孤舟不擾魚龍夜祇悲天地
秋風寒驚渚雁水白悞沙鷗搥罷回飄鼓張燈上
酒樓

西隣石後歌

媧皇補天竟遺此五色紛綸煉石子祖龍有鞭不
敢馭萬古亭亭海城底龍泣蛟怒鱗甲枯風飛雨
走靈有無四七星辰瑣碎甚在天應列三垣隅織
女支機尙小用上帝樓成藉汝重如何好事藍田
翁第乞白石數升種吾將海上從羣仙玉爐丹頂
飛青烟芝草琅玕棄不取煮爾食之壽萬年

潭西草續五

三七

黃河水漫

何物洶洶擁濁流河干久已罷防秋龍蛇不管人
啼笑自挾風濤快遠游

黃河水決入濟水直抵利津城下

九月廿六日

怒濤勢欲捲城樓縱是閒官亦自愁久已蒼生無
樂歲何堪洪水又驚秋 帝沈璧馬歌瓠子臣駕
龍鼉問濟流一夕馮夷歸底定安瀾直到海東頭

大水行

九月廿七日

濟水清河水渾河伯一夕相并吞東馳入海失故

道海若見之怒且笑長鯨鼓浪如山邱閩母揚風
西北陬朝潮夕汐無時休鐵門關外魚龍愁有口
不肯咽濁流河伯旣來勢難返東衝西突左右撼
氣力所至生風雷堅城勁壘愁崩摧何況千村萬
落底壞牆破屋臨水隈如何撐拄空悲哀吁嗟河
伯胡爲哉飛帆高高樹杪回坐見男屍與女骸紛
紛藉藉西流來我有文章幾卷在不如韓潮與蘓
海我有飲興空自豪不能一吸傾江濤不然酌爾
入酒杯濡爾入筆毫頓教一千餘里變乾土不令
朝飢暮寒老幼相煎熬閑官無力寄居此徒自抑
鬱兼生騷嗚呼河伯不仁乃爾爾濟水之東尙如
此濟水以西可知矣何不安流入海水

胡乙垣來旋辭歸感賦

出門祇百里作客未三旬早有還鄉夢長同失路
人之憐祠竈婦朝憶倚門親金碧如天遠何堪歲
又新

聞乙垣述漁洋詩筒之韻慕而賦之

胡生早歲耽吟詩阮翁恨不生同時蠶尾烟深石
帆雨夢中往往如見之翁昔言語妙天下半世傾
心是徐夜落筆齊將翡翠裝停毫爭把珊瑚架徐

君小隱無宦情有時畏入高苑城咫尺相思不命
駕惟憑青鳥通姓名阮翁乃截淇園竹清韻琅琅
媚幽谷寸心自訂金石盟尺素如遺鯉魚腹上鐫
私印徐與玉王家復有書數行司馬橋頭小逕滑
村人乍見譏癡狂不獨詩卷可千載一尺之筒至
今在李囊薛瓢同消沉此物不朽將有待落君家
手何曾難借人醉後輕相看海嶽故事君知否蟻
蝨淚滴珠闌干

送乙垣歸

不識與何事往來風雪寒車裘貧士少波浪大河

潭西草續五

五

寬末俗賣文賤窮途賒酒難家庭真至樂歸去話

團樂

謝徐耐村畫梅

夢入羅浮路尚通江南驛使亦迢迢誰知一試生
花管風雪瀟瀟似灞橋

贈徐耐村

落拓相憐兩鬢華揚州烟月早思家依錢絕似羅
昭諫知仲惟應鮑叔牙客路不妨聽臙鼓道人自
合號梅花禦寒我亦羊裘敝風雪難同下澤車

夜雪

依依此官閣寂寂似江村不掃堦前雪無人夜到門

白首

白首擁孤衾宵分尚苦吟病中辭歲客天外憶歸心進退全無術饑寒獨相侵不知冰泮後春水幾篙深

謝趙介邱學博畫松

海畔人家只種柳搖落秋風負白首先生來自岱山巔畫出蒼松盡駭走曲枝直幹皆竒材高巖巨壑無塵埃身到先秦避雨地橫空攫取生龍來世

潭西草續五

四

上真松尚不愛樵逕曉曉上山背畫松何況非真松冷突寒烟坐相對豈知畫龍便可騎上天畫松正好松根眠龍耶松耶看不定眼中絕迹飛雲烟昨日從君得兩樹想見仙人著書處海濤一夜來天風自欲山中結屋住

白首

白首此官閣寂寂似江村不掃堦前雪無人夜到門

